



GRADONAČELNIK

Broj: 07-881/26

Datum: 10.06.2026.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), Budžeta Grada Srebrenik za 2026.godinu („Sužbeni glasnik grada Srebrenik“, broj: 1/26), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), člana 33. stav (1), (3) i (4) te člana 34. Pravilnika o javnim nabavkama Grada Srebrenik ("Službeni glasnik Grada Srebrenik", broj: 7/25), a na preporuku Komisije za javnu nabavku (dalje: Komisija) po Zapisniku o pregledu i ocjeni ponuda (dalje: Zapisnik) broj: 07-881/26 od 02.06.2026. godine za javnu nabavku izvođenja radova na rekonstrukciji lokalnog puta Kiseljak – Rapatnica - Luka, d o n o s i:

ODLUKU O IZBORU PONUĐAČA

I

Prihvata se preporuka Komisije, prema Zapisniku broj: 07-881/26 od 02.06.2026. godine te se Ugovor za **javnu nabavku izvođenja radova na rekonstrukciji lokalnog puta Kiseljak – Rapatnica - Luka** u ukupnom iznosu od **363.017,50 KM (cijena bez uračunatog PDV-a)**, odnosno u iznosu od **424.730,48 KM (cijena sa uračunatim PDV-om)**, dodjeljuje ponuđaču „**GALAX-Niskogradnja**“ d.d. Brčko a u skladu sa ponudom broj: 038/26 od 21.04.2026. godine i Izvještajem o toku i završetku e-aukcije od 04.06.2026. godine.

II

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Odlukom o pokretanju postupka za javnu nabavku izvođenja radova na rekonstrukciji lokalnog puta Kiseljak – Rapatnica - Luka, broj: 07-881/26 od 31.03.2026. godine, pokrenut



je postupak nabavke predmetnih radova. Javna nabavka je provedena putem otvorenog postupka, a kriterij za dodjelu ugovora je najniža cijena. Ukupna procijenjena vrijednost nabavke iznosi 363.240,00 KM (bez PDV-a).

Obavještenje o nabavci predmetnih radova objavljeno je na Portalu javnih nabavki 03.04.2026. godine pod brojem: 761-1-3-33-3-66/26 i sažetak Obavještenja o nabavci, objavljen u „Službenom glasniku BiH“ broj: 26/26 dana 10.04.2026.godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda, dostavljene su ponude sljedećih ponuđača:

1. **„JATA GROUP“ d.o.o. Srebrenik**, broj ponude: 01-50/26 od 24.04.2026. godine u iznosu od 363.237,82 KM (bez PDV-a);
2. **„GALAX-Niskogradnja“ d.d. Brčko**, broj ponude: 038/26 od 21.04.2026. godine u iznosu od 363.017,50 KM (bez PDV-a)

Komisija je utvrdila da su ponude ponuđača **„JATA GROUP“ d.o.o. Srebrenik i „GALAX-Niskogradnja“ d.d. Brčko** **potpune, prihvatljive i pravilne**, odnosno da su ponuđači dostavili dokaze tražene tenderskom dokumentacijom.

Računskom provjerom nisu uočene računske greške.

Obzirom da je za predmetnu nabavku predviđeno provođenje e – aukcije ista je zakazana za 04.06.2026. godine u 12:00h. Kriterij za izbor ponude je *najniža cijena*.

Na osnovu Izvještaja o toku i završetku e-aukcije od 04.06.2026. godine, Komisija je konstatovala da je za javnu nabavku izvođenja radova na rekonstrukciji lokalnog puta Kiseljak – Rapatnica - Luka prvorangirana ponuda ponuđača ponuđača „GALAX-Niskogradnja“ d.d. Brčko u iznosu od 363.017,50 KM (cijena bez uračunatog PDV-a), odnosno u iznosu od 424.730,48 KM (cijena sa uračunatim PDV-om) prihvatljiva i predložila je Gradonačelniku prihvatanje iste ponude, a shodno članovima 64. stav (1) tačka b) i 70. Zakona, donošenje Odluke o izboru ponuđača „GALAX-Niskogradnja“ d.d. Brčko te po ispunjenju uslova zaključenje ugovora u naprijed navedenom iznosu sa imenovanim ponuđačem za predmetne radove.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Prilikom donošenja ove Odluke posebno su cijenjenje činjenice da je Komisija pravilno i potpuno izvršila ocjenu kvalifikovanosti ponuđača i ocjenu prispjele ponude izvršila u skladu sa kriterijima iz tenderske dokumentacije, Zakonom o javnim nabavkama i podzakonskim aktima.

Iz navedenih razloga, uzimajući u obzir i primjenjujući iznad istaknute članove pozitivne zakonske regulative iz oblasti javnih nabavki odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

 **GRADONAČELNIK**

Adnan Bjelić

Dostavljeno:

1. Ponuđaču 2x
2. Službi za poduzetništvo, lokalni razvoj i investicije
3. Evidenciji
4. Budžetu
5. Arhivi